

**Су тасқыны болған аймақтарда білім алушыларды ағымдағы
емтихандар және сынақтардан босату жөніндегі
Қазақстан Республикасының Премьер-Министрі О.А. Бектеновтің
тапсырмасын орындау бойынша жиналыстың
ХАТТАМАСЫ**

Астана қаласы

2024 жылғы 10 сәуір

Төрағалық етті: Қазақстан Республикасының Бірінші оқу-ағарту вице-министрі Н.В. Жумадильдаева

КҮН ТӘРТІБІ:

1. Су тасқынына байланысты білім беру ұйымдарының ағымдағы жағдайы, оқу процесінің ұйымдастырылуы;
2. Эвакуация аймақтарындағы білім алушыларды ағымдағы емтихандар және сынақтардан босату;
3. Педагогтерді аттестаттаудан өткізуді ұйымдастыру.

Қатысушылар

Қ.Б. Жұмашев, Абай, Ақмола, Ақтөбе, Атырау, Шығыс Қазақстан, Батыс Қазақстан, Қарағанды, Қостанай, Павлодар және Солтүстік Қазақстан облыстарының білім басқармаларының басшылары

1. Қазақстан Республикасының Премьер-Министрі О.А. Бектеновтің тапсырмасы бойынша Абай, Ақмола, Ақтөбе, Атырау, Шығыс Қазақстан, Батыс Қазақстан, Қарағанды, Қостанай, Павлодар және Солтүстік Қазақстан облыстары білім басқармаларының басшылары тыңдалды және аталған өңірлерде білім алушыларды ағымдағы емтихандар мен сынақтардан босату жөніндегі баяндамалары назарға алынсын.

2. Атырау және Ақтөбе облыстарының барлық мектептерінде білім алушыларға ағымдық бақылау (БЖБ, ТЖБ) өткізу тоқтатылсын.

3. Білім басқармалары:

- төтенше жағдай қаупінің сейілуі немесе артуына қарай білім алушыларды ағымдық бақылау, емтихан және сынақтардан өткізу (БЖБ, ТЖБ) немесе тоқтату туралы дер кезінде шешімдер қабылдасын;

- су тасқынында қалған немесе тасқын қаупі бар аймақтардағы мектептердің қатаң есептіліктегі құжаттары мен жабдықтарының сақталуын қамтамасыз етсін.

4. Орта білім беру комитеті (Қ.Б. Жұмашев) су тасқыны болған аймақтарда білім алушыларды ағымдағы бақылау, емтихан және сынақтардан өткізу мәселелерін қосымша пысықтау мақсатында ағымдағы жылғы 25 сәуірде кеңейтілген жиналысты жоспарласын.

Бірінші вице-министр

Н. Жумадильдаева



030010, Ақтөбе қаласы, Әбілқайырхан даңғылы, 40
тел: (7132) 54-16-67 факс: 55-06-52

2024 жылғы «15» сәуір

№ 24-14/1451

Аудандық, Ақтөбе қаласы білім бөлімі,
Облыстық білім беру ұйымдары басшыларына

Ақтөбе облысының білім басқармасы ҚР Оқу-ағарту министрлігінің 11.04.2024 жылғы №20-1-20-6/2548-И хатымен берілен хаттамалық тапсырмасына сәйкес білім беру ұйымдарында БЖБ – бөлім/ортақ тақырып бойынша жнынтық бағалау, ТЖБ – тоқсандық жиынтық бағалау өткізу тоқтатылатынын хабарлайды. Сонымен қатар пилотты жобадағы шағын жинақты мектеп оқушылары үшін сәуір айында өткізілетін мониторинг мамыр айына ауыстырылды.

Білім алушылардың, мектепке дейінгі ұйымдарда қамтылған балалардың өмір қауіпсіздігін қамтамасыз ету мақсатында барлық қажетті шаралар қабылданып, қатаң бақылауға алынсын.

Білім беру ұйымдарының қатаң есептіліктегі құжаттарының, оқу құрал-жабдықтарың сақталуын қамтамасыз ету жұмыстары ұйымдастырылсын.

Қосымша жалғанады кесте 2 бетте.

Басқарма басшысының орынбасары

Н.Бертлеуова

Орындаған: Г.Құлыбекова,
тел.: 87132-568560